



Australian Government  
Department of Home Affairs



# Cov chav kawm lus Askiv rau cov neeg tsiv teb tsaws chaw tsim nyog hauv teb chaws Australia

## KEV HLOOV PAUV RAU COV KEV PAB CUAM AMEP VIM TUS KAB MOB COVID-19

Thov tsis txhob tuaj koom rau hauv AMEP lub chaw kawm ntawv yog tias koj tsis xis neej.

Yeeb vim tus xwm txheej kab mob COVID-19 tsis tu ncu, yuav muaj kev npaj tshiab rau kev kawm AMEP, xws li kev kawm hauv online lossis kev kawm nyob cua kev deb.

Thov hu ncaj nraim rau koj [tus neeg muab kev pab cuam AMEP](#) los tham txog cov kev npaj tshiab no.

Kawm paub txog tus kab mob [COVID-19 thiab nws cov tsos mob](#)

## QHOV KEV KAWM LUS ASKIV RAU TUS NEEG THOJ NAM NEEG LAUS

Qhov Kev Kawm Lus Askiv Rau Tus Neeg Thoj Nam Neeg Laus (AMEP) muaj kev kawm ntawv Askiv pub dawb rau cov neeg nkag teb chaws uas tsim nyog los ntawm tsev neeg, kev txawj thiab tau daim ntawv hla teb chaws rau pab tib neeg.

## KEV MUAB QHOV KEV KAWM NTAWV

Qhov AMEP raug muab nyob rau hauv 58 cheeb tsam cog lus thoob plaws hauv teb chaw Australia, thiab raug tsim los pab rau cov neeg siv txoj kev xav tau kev kawm uas yog

muab ntau cov kev xaiv kev kawm thiab kev kawm sib xyaw ua ke, suav nrog rau kev kawm nyob ncu kev deb.

Koj tuaj yeem nrhiav qhov kev pab cuam kawm ntawv nyob rau lub xeev thiab thaj chaw uas nyob ze koj tshaj plaws nyob hauv [tus neeg muab kev pab AMEP](#) phab vev xaib. Peb muaj cov ntaub ntawv hais txog AMEP ua lwm hom lus. Txhawm rau pom cov ntaub ntawv txhais ua koj hom lus, mus saib hauv peb phab vev xaib [cov ntaub ntawv ua lwm hom lus](#).

## KEV TSIM NYOG TAU TXAIS

Yuav kom tsim nyog tau txais qhov AMEP, ib tug neeg yuav tsum:

- nyob hauv teb chaws Australia
- tsis muaj Kev Kawm Siv Lus Askiv uas raug tshuaj xyuas los ntawm AMEP cov neeg ua hauj lwm tsim nyog uas tawm tsam rau *Txoj Cai Neeg Tsiv Teb Tsaws Chaw (Txoj Kev Kawm Ntawv)(Kev Kawm Siv Lus Askiv) Xyoo 2017*
- tsis tau raug soj ntsuam los ntawm Lub Tuam Tsev hais tias tau Kawm Siv Lus Askiv lossis qib siab dua, rau lub hom phiaj ntawm lawv qhov kev thov daim ntawv nkag teb chaws (rau cov neeg muaj hom ntawv nkag teb chaws xub thawj nkaus xwb)
- ua raws li kev pib sau npe thiab ua tiav raws li lub sijhawm txwv (saib *Ncua Sij Hawm* hauv qab no)
- muaj yam tsawg kawg nkaus ib qho ntawm cov hauv qab no:
  - muaj daim ntawv nkag teb chaws nyob mus ib txhis lossis daim ntawv nkag teb chaws ib ntus uas tsim nyog
  - muaj daim ntawv nkag teb chaws ib ntus uas tsim nyog raws li tau sau tseg hauv Lub Cuab Tam Cov Hom Ntawv Nkag Teb Chaws Ib Ntus
  - yav dhau los tau txais ib daim ntawv pom zoo nkag teb chaws siv tau mus tas ib txhis lossis daim ntawv nkag teb chaws nyob mus tas ib txhis thiab tau dhau los ua pej xeem Australia
  - yog tias tus neeg no muaj hnuv nyoog qis dua 18 xyoo, yuav tsum muaj yam tsawg kawg ib tus niam txiv uas tau lossis muaj daim ntawv tso cai nkag teb chaws siv tau mus tas ib txhis lossis daim ntawv nkag teb chaws nyob mus ib txhis.

### Hnuv nyoog qis dua 18 xyoo

Cov neeg tsiv teb tsaws chaw thiab cov neeg nkag teb chaws pab tib neeg txom nyem uas muaj hnuv nyoog thaj tsam 15 txog 17 xyoo, uas tsis paub siv lus Askiv thiab tsis xav tau kev kawm los ntawm tsev kawm ntawv, tej zaum kuj yuav tsim nyog koom nyob rau hauv qhov kev kawm no.

## Ncua Sij Hawm

Cov ncuva sijhawm teev hauv qab no siv rau:

- Sau npe tsis pub dhau rau lub hlis (18 xyoo thiab tshaj saud) lossis 12 lub hlis (qis dua 18 xyoo).
- Pib kawm ntawv tsis pub dhau 12 lub hlis.
- Kawm ntawv tiav tsis pub dhau tsib xyoos.

Cov neeg muab kev pabcuam AMEP tuaj yeem sawv cev rau cov neeg siv thiab cov neeg thov kev pab uas yuav muaj tom ntej los thov txuas ntxiv ncuva sijhawm tau.

Cov ntawv thov raug txiav txim ib kis zuj zus thiab raws li qhov tshwj xeeb hauv *Txoj Cai Neeg Tsiv Teb Tsaws Chaw (Txoj Kev Kawm Ntawv) Xyoo 1971*.

## KEV ZOV ME NYUAM

Muaj kev zov me nyuam rau cov neeg tau txais kev pab AMEP uas muaj cov me nyuam tsis tau muaj h nub nyoog kawm ntawv. Kev zov me nyuam yog raug npaj los ntawm cov neeg muab kev pab AMEP thiab muab nyob kom ze rau tus neeg tau txais kev pabcuam chav kawm ntawv.